

中華民國郵政特准掛號認爲新聞紙類

中 華 民 國 三 年 七 月 八 號
湖 南 官 書 報 局 印 行

湖 南 政 報

本報價目

- 一本報按照時日每日出報一本
- 一每分每月收大洋六角
- 一零售每份七枚
- 一外埠購報郵費以購報之多寡酌加
- 一夫役送報如有遺漏請即函告以便補發

湖南官書報局廣告

啓者本局印刷廠製出官紙印刷極精取價極廉已呈由 都督兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 都督兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易决不致誤特此登報聲明

目錄

令

大總統策令 電 京江

大總統申令 電 京江

大總統策令 電 京支

飭

湖南巡按使公署飭

飭各局卡專員抄令通飭各知事各局卡及電

飭高等審判廳准寫法飭高等廳縣知事由

飭零陵知事呈費該縣捐費

飭兩道尹事准游歷日商原梅夫等由

詳批

批據攸縣知事詳報積水損壞田廬情形由

批桑植縣知事詳擬在稅項下撥款賑荒鈔發原呈並印領二紙准仰財政廳查核飭由辰州支店照

撥由

批芷江縣知事傅良弼詳覆查明縣屬各學校性質名稱及成立年月由

批鄱陽知事詳報遵辦加收訟費情形由

批湘鄉知事陶繼貞詳資該縣成明道捐資興學事實表請核獎由

批大同法政專門學校詳繳本校法律別科轉學各生證書存根由

批永順縣知事詳資更定警察區域名稱一覽表請查核由

批教育用品製造工場經理伍鵬萬詳資決算分冊請查核由

示

第二屆知事試驗攷取人員分發單 (完)

通告

湖南巡按使公署通告 二則

令

大總統策令電京

朱瑞給予二等嘉禾章此令

內務總長朱啓鈴呈稱僉事許家恆方策安張玉麟前經本部保免知事試驗審查合格呈准分發請予免去僉事本官等語許家恆方策安張玉麟應即免去本官此令

內務總長朱啓鈴呈據京師警察總監吳炳湘詳稱署長盛慶琳回籍省親懇予辭職請免去本官等語應照准此令

內務總長朱啓鈴呈准吉林巡按使齊耀琳咨據省城警察廳廳長趙憲章詳稱司法科長魁錦曾回省親稟請辭職等語魁錦曾應准免去科長本官此令

內務總長朱啓鈴呈准吉林巡按使齊耀琳咨據省城警察廳廳長趙憲章詳請任命王鴻翹爲秘書沈榮祺爲科長應照准此令

陸軍總長段祺瑞呈請將勳撫哈密防守得力之楊發春授爲陸軍騎兵上校張彩庭授爲陸軍騎兵中校馮樸授爲陸軍騎兵少校並加陸軍騎兵中校銜劉榮升授爲陸軍步兵少校吳金斗授爲陸軍騎兵少校應照准此令

陸軍總長段祺瑞呈核覆多防鎮守使請將多防肅清出力之張鳳池授爲陸軍步兵少校馬燦授爲陸軍騎兵少校胡有謨龐在洛關成德加給陸軍騎兵少校銜口口春加給陸軍砲

兵少校銜劉維洲王兆錫加給陸軍少校銜應照准此令

陸軍總長段祺瑞呈請將克復經棚等處出力之劉玉王鳳臣郭松山劉振玉均授爲陸軍騎

兵少校周德俊馬金印李青山吳泰權董書勛王子全常有德榮英王海全劉宗綱耿心均加

陸軍步兵少校銜寶聯芳張殿九馬占山徐春霖李清臣王凌雲劉永陞均加陸軍騎兵少校

銜李恩榮李振成均加陸軍騎兵少校銜應照准此令

陸軍總長段祺瑞呈請將魁麟芳韓惠卿雷福保李得一楊可傳翟鐘祿萬振寰張德華張奎

生授爲陸軍三等軍需正應照准此令

內務總長朱啓鈴呈准文官高等懲戒委員會議決四川署昭化縣知事陳希廉劍閣縣知事

張政著通江縣知事汪世楨廢弛煙禁一案依照知事懲戒條例張政應受第二條第一種第

一款褫職處分陳希廉汪世楨應受第一種第二款免官處分等語張政陳希廉汪世楨著准

照所擬分別褫職免官此令

國務卿呈據機要局局長張一麐詳稱擬將參事趙廷珍叙列二等參事王杜歐陽熙雷延壽

唐在寧楊寶森僉事周式斌向瑞彝均叙列四等僉事章華曹秉章王立承曾文玉劉式程漢

彥珪陳闔黃府鴻白文明勝勤餘毛祖模阮永墀江保傅秦樹忠均叙列五等等語應照准此令

大總統申令

電京

內務總長朱啓鈴呈准文官高等懲戒委員會議決順天府府尹沈金鑑糾劾已撤周安縣知

事劉其勳昌平縣知事岳魁武清縣知事田載厚三河縣知事李作等一案依照知事懲戒條

例以懲受 第三條第一種第一款藐視處分劉其勳岳魁田載厚另有勒贓情事涉及刑事範圍應提交法院審訊等語劉其勳岳魁田載厚李作著准照所擬褫職劉其勳田載厚現在潛逃已另有令嚴緝務獲即與岳魁一併提交法庭連同案內拏串作奸各犯分別審訊盡法究治以懲貪壘而儆刁頑此令

據順天府府尹沈金鑑呈稱被劾順屬知事劉其勳田載厚避案潛逃請明令嚴緝等語劉其勳田載厚前經申令以案情較重著該府尹將案內拏串作奸人犯口交法庭懲治并將該知事等交由文官高等懲戒委員會嚴處在案茲據稱該兩犯現在逃查劉其勳原籍山東海陽縣田載厚原籍山東黃縣難保不潛回原籍或匿跡他省着該步軍統領京師警察廳各省巡按使轉飭所屬一體嚴緝務獲歸案訊辦以肅法紀此令

茲制定警察官吏郵金給與條例公布之此令

據蒙藏院總裁貢桑諾爾布呈稱蒙藏院職司邊務請申明舊制釐正蒙古王公喇嘛呈文辦法以明權限而肅政綱等語民邦初肇邊局未甯本大總統體念蒙艱優加眷遇凡王公喇嘛等盟本府及台院部呈請事件無不立予辦理蓋惟慮邊情之隔閡故未執成法以相繩乃權限無所區分秩序遂多凌躐若不重加釐定深恐日久滋弊殊無以明權責而飭綱紀查內外蒙古閒散王公本無行以之權從前各旗事務均由扎薩克或盟長呈明理藩部代奏雖以親郡王爵秩之尊若不兼扎薩克於本旗事務亦不能逕行呈遞必須呈明本管扎薩克代轉其事務之重大者并須由扎薩克呈明盟長轉為呈請蓋內外蒙古世職繁多若有爵之人均可

干預以權紊亂將無底止專權不容稍越責任亦有專歸嗣後各蒙古盟長扎薩克遇有關涉政務呈請事項均須備具印文呈蒙藏院核辦各旗閒散王公關於本旗事務有所陳請者仍非經由盟長扎薩克加蓋印文不得率行呈遞其各蒙旗事務照例應由該管長官代咨蒙藏院核辦並應由盟長扎薩克逕呈蒙藏院者亦均照舊辦理至各呼圖克圖亦以清淨為主更無干涉行政事務之理此次明令之後自章嘉以次遇有具呈事件駐京有商卓特巴扎薩克喇嘛者均由該喇嘛代為呈遞蒙藏院核辦在外各呼圖克圖無論有無商卓特巴扎薩克喇嘛均自行呈明本管各旗扎薩克或盟長轉呈蒙藏院查核辦理其所呈請事件并應以教務及所屬寺廟事件為限毋得妄干政務惟前頒優待條件仍應一律照辦不得少形歧視以昭優異并由蒙藏院通飭各旗扎薩克盟長遇有各蒙古王公喇嘛等懇請轉呈事件亦不得任意留難以示體恤各蒙古王公喇嘛等務各恪遵成例嚴守範圍用副本大總統維護蒙人修明法紀之意此令

中華民國三年七月三日

大總統策令

京電

中東鐵路公司幫辦俄國中將阿發拏謝夫護軍統領俄國中將司乞甫斯基均給予二等嘉禾章此令

黃開文給予二等嘉禾章此令

農商總長張謇呈核覆河南安陽縣廣益公司總理徐積勳辦理紡紗卓著成效請援案給予勳章等語徐積勳給予四等嘉禾章以資激勵此令

趙興亮給予四等文虎章此令

汪正綱給予五等嘉禾章此令

李生春連雲王柱梁給予五等文虎章此令

特任丁槐爲奮威將軍此令

前署雲南民政長李鴻祥着留京另候任用此令

劉忠樑授爲陸軍少將此令

陸軍總長段祺瑞海軍總長劉冠雄呈據陸海軍會計審查處處長葉樂民因病詳請辭職葉

樂民准免本官此令

陸軍總長段祺瑞海軍總長劉冠雄呈請任命向錫第署陸海軍會計審查處處長應照准此

令

參謀總長黎元洪呈請任命程夔爲靖武將軍署參謀長應照准此令

財政總長周自齊呈稱奉省驗契徵收得力人員擬請照章獎勵等語奉省驗發旗地新契處

委員沈國宛增收款項在十萬元以上錦縣知事朱佩蘭遼陽縣知事霍型武法庫縣知事李

心曾增收款項均在三萬元以上開原縣知事章啓槐鐵嶺縣知事陳藝義縣知事王鴻遇蓋

平縣知事趙恭寅新民縣知事左坊海城縣知事田鄉毅西豐縣知事鄒大墉綏中縣知事王

懋官鳳城縣知事宋運溪盤山縣知事馬俊顯東較縣知事湯文煥西安縣知事馬鴻亮海龍

縣知事林國楨寬甸縣知事程廷恒北鎮縣知事曾有巖柳河縣知事祝鶴年營口縣知事郭

進修遼中縣知事沈兆祥撫順縣知事裴炳熙增收款項均在一萬元以上應均給予五等金

質單鶴章以昭激勸餘准如前所擬辦理此令

司法總長章宗祥呈稱吉林延口口口吉地方檢察廳檢察長張武軍檢察官賴景煊服務不力請免去本官等語張武軍賴景煊應即免去本官此令

司法總長章宗祥呈請任命李蔚然爲湖北高等審判廳書記官長應照准此令

司法總長章宗祥呈請任命張履謙署陝西高等審判廳推事廖成康宋維經孫平聞人植署

陝西長安地方審判廳推事應照准此令

司法總長章宗祥呈請任命陳寶璵黃權中陳與炎劉思誠署廣東高等審判廳推事應照准

此令

司法總長章宗祥呈請任命曾毓霖署直隸高等檢察廳檢察官應照准此令

京畿軍政執法處處長雷震春呈稱前順天巡防營務處處長陸軍少將三等文虎章姚捷勳

濫發護照致釀人民重案請先行褫職歸案訊辦等語姚捷勳著即褫職並褫奪勳章歸案訊

辦以肅法紀此令

國史館館長王闓運呈稱擬將秘書會廣鈞纂修譚啓瑞駱成驤潤普通武叙列三等協修景

學陝慶慈湯用彬許鄧起樞叙列四等等語應照准此令

國務卿呈據司務所所長吳筠孫詳稱擬將僉事楊寶益叙列五等等語應照准此令

中華民國三年七月四日

謹按

中央政府命令本報係照京電號碼譯登閱或電碼有誤關係甚大應俟政府公報寄

到隨時查對更正

飭

湖南巡按使公署飭

大總統五月漢日電令已登載五月二十八日本報
官吏犯贓治罪條例已登載六月二十三日日本報

為抄令通飭事照得安民之道修吏為先澄叙之方操守是視從來內治之墮壞多由官吏之貪橫湘省改革以還官吏肆無顧忌凡招權納賄舞弊營私者本兼使到任以來迭經嚴加懲創在案惟是省城官吏尚易覺察外屬州縣耳目難週各知事身任地方日與小民接近瀕者兼理民刑訴訟因恐恃為方便之門小民懾於積威昨甘隱忍縱令上控得直所損勢必加多至於辦理經徵承收釐稅留難需索百弊叢生鄉市商民既直接受其痛苦國家財政復間接為之侵虧凡厥病源多由貪吏前奉大總統本年五月漢日電令於官吏執法婪贓作奸犯科二者特加由儆復奉到六月五日政府公報特制定官吏犯贓治罪條例凡所以儆貪婪懲污暴者法至嚴意至深也本兼使仰維申令俯察湘情特恐各該知事員吏日久玩生漫不加省用將前項電令及條例抄粘飭行欲為激濁揚清之舉端賴信賞必罰之施自經此次通飭由儆之後如有上列情事發生本兼使惟有執法以隨其後前例具在不汝宥也合就抄令通飭為此飭仰各知事等一體懍遵勿違此飭

都督兼巡按使湯壽銘

右飭各局卡專員准此

湖南民
政長印

中華民國三年七月二日

湖南巡按使公署

行政訴訟狀繕寫方法已登載七月三號本報

為飭行事案准 平政院咨開為咨行事本院受理行政訴訟按照行政訴訟條例第十五條暨第十九條之規定凡有訴狀須照法定程式惟各省道路遼闊若由中央頒布一時恐難普及人民購買維艱本院為訴訟便利起見茲訂定此項訴狀繕寫方法通行各處並廣登官商各報俾眾周知藉免煩費而昭劃一為此刷印通示及訴狀繕寫方法咨行各省即希查照轉行各省刷印多張廣為張貼並登入該省通行各報以俾周知而免遺誤等因准此查此項程式係行政訴訟現由本公署依照原式印刷合亟飭發該廳知事廣為張貼俾眾周知飭到該廳知事即便遵照辦理切切此飭

都督兼巡按使湯蕪銘

右飭 高等 裁判 檢察 廳 准此

各縣知事

湖南民
政長印

中華民國三年七月二日

湖南巡按使公署飭

為飭知事本兼巡按使前於民政長在內據該知事具報該縣潘懷遠 胡光柳 譚嗣穆等捐資興學事實表冊到署業經指令知照在案茲褒章章級暨執照各件業已分別製妥合行飭發飭到該知事即便遵照查收並按照另開名單分別轉給具報此飭

都督兼巡按使湯壽潛

右飭零陵 趙開壩東縣知事譚嗣穆准此

湘陽 楊啓勛

湖南民政長印

中華民國三年七月二日

湖南巡按使公署飭

為飭知事案准長岳兩關監督外交部湖南交涉署函開准江甯交涉員咨開日商原梅夫請照由南京往江西湖北湖南安徽等省游歷考察商務除將執照加印發由日領轉給併告該商人經過地方須將執照呈驗詢明內地情形如有未靖處所切勿前往外咨請行知保護等因到署准此轉請飭屬保護又准函開准德領事函送德教士包格非賴德和游歷護照各一紙擬由長沙前赴湖南湖北河南貴州廣西等省游歷請加印護照並請保護前來除將護照

加印送還外合即函請台端分行各省並希通飭各屬一體保護又准湖北交涉署咨開法人蓋愛林英美烟公司經理白德日商本間光民永田理中迂長司瀨尾二作英商藍末生等均請照往湖南等省游歷請行知飭應保護等因到署理合彙請查照通飭各屬一體保護為荷各等因准此除通飭並分別咨行外合行令飭飭到該道尹即便轉飭所屬照約妥為保護至要此飭一俟該日商原梅夫德教士包格非賴德和法人蓋愛林英美烟公司經理白德日商本間光民永田理中迂長司瀨尾二作英商藍末生等到境即便照約妥為保護仍將入境出境日期詳報備查切切此飭

都督兼巡按使湯薌銘

右飭兩道尹准此
各縣知事

湖南民
政長印

中華民國三年七月二日

詳批

都督兼巡按使批

批據攸縣知事詳報積水損壞田廬情形由

詳悉查該縣淫雨連綿山水陡漲田廬既已漂沒雜糧又被冲壓情形困難殊深憫念該知事務宜設法安集速令補種以冀有秋仍將被災情形及損失狀況迅速切實勘明詳報查核事關災恤毋稍玩忽仰即遵照此批抄由發

附原詳

竊照知事仰奉鈞令委署攸縣山湘潭舍舟登陸於六月一日行抵縣城履任視事沿途接見父老諮訪民情并經查看農功原隰禾苗彌望青葱頗有豐收之象詎自初九日以來大雨傾盆通宵達旦以致山洪暴發河水陡漲一丈五六尺之高縣城南門一帶民居悉遭淹沒沿河兩岸上下延袤七八十里鄉民所種棉花雜糧花生番薯等類或被水冲或被沙壓竟至蕩然無遺而民間房屋坍塌破毀以及近山秧田泥沙壅塞者尤比比皆是估計損失不下七八萬串現象雖不至成災而民食亦頗受影響但望從此天氣晴霽歲事當不至歉收惟日來霖雨仍復不止殊切隱憂如果水潦為災再當隨時勘報所有縣屬積雨損壞民田大概情形理合具文呈報伏乞鈞署俯賜察核實為公便謹詳

批榮植縣知事詳擬在契稅項下撥款賑荒抄發原呈并印領二紙准仰財政廳查核飭由

辰州支店照撥由

據詳該縣距辰寫遠匪盜頻仍人民待賑甚急前奉准助辰州支店撥賑錢一千串已在賑契費項下開支請撥抵解等情應即照准仰財政廳查核分別辦理飭遵具復印領并發原呈抄發

附原詳

爲領解撥抵呈請分別令函以濟急需而省手續事案奉鈞府元電開冬電悉該縣春荒災情可憫准電飭辰州支店撥錢一千串由該知事領收擇要賑濟并募地方紳富義賑以全災黎等因奉此竊桑邑距辰寫遠林密山深且匪盜充斥劫搶頻仍攜款行路危險萬分矧人民待賑甚切必俟領獲散給何以救濟荒歉知事目覩時艱遂就近在驗契所驗費項下撥兌應解國稅廳錢一千串文以濟急需而省手續然以應領賑款撥抵解驗契稅款知事何敢擅專惟有仰懇鈞府令行辰州銀行支店知悉并函知國稅廳核收兩抵倘蒙允准則桑民幸甚所有領解撥抵緣由理合備具印領具文呈請鈞府俯賜察核示遵實爲公便謹詳

批芷江縣知事傅良弼詳覆查明縣屬各學校性質名稱及成立年月由

詳悉查務實中等農業學校原係私人設立雖曾受經費之津貼究不得謂爲省經費設立至學科程度尙係中等加以專門字樣尤爲不合應即改爲湖南私立甲種蠶業學校并由

該校自加固有名詞以符定章至正黔麻聯合中學校及女子師範學校業經本公署正名爲湖南第九聯合縣立中學校及湖南第一聯合縣立女子師範學校仰卽轉飭各該校自備刊頁壹千文郵費三角五分繳由該知事彙費到署以便刊發校印此批抄由發

附原詳

爲呈復查明各學校性質及名稱并成立年月日事案奉鈞署教字第四三一號訓令內開查湖南省各學校校名混淆省縣之範圍不定公私之性質不分任意立名漫無標準茲由本公署訂定釐定各學校性質及名稱規程二十條除省城公私立各學校由本公署另文通飭外合行令仰該知事卽便轉飭所轄境內各校於奉到規程五日內卽行按照更正并呈由該知事於文到一月內彙呈本公署刊換校印以昭信守再數縣聯合設立之學校其成立年月日應由該校所在地縣知事迅速查明呈報核奪此令等因并發釐定各學校性質及名稱規程五十份奉此除縣城鎮鄉公立私立各學校由知事遵照規程更正外當經函致務實中等農業學校暨正黔麻聯合中學校芷江縣聯合女學校查照具報去後茲准務實學校校長龍光甲咨稱敝校成立於前清光緒三十四年二月查規程第四條載省經費設立之學校名曰湖南省立某某學校但專門學校名湖南公立某某專門學校又查第十七條載農業學校僅設一科者其名稱以科定之等語查敝校受省常年經費二千七百七十七元七角七分且歷年設有蠶業本科蠶業預科種植桑

樹三萬餘株應照第四條及第十七條之規定請改名曰湖南公立甲種蠶業專門學校等因又准芷黔麻聯合中學校校長毛昌壽函稱敝校成立於前清光緒二十九年三月查規程第五條收二縣以上聯合設立之學校名湖南第幾聯合縣立某某學校其次節由本公署查明全省各同等同類之聯合縣立學校分別定之敝校係芷黔麻三縣聯合性質應照第五條之規定其次第應請轉呈由省定之等因又准芷江縣聯合女學校校長龍廷杰函稱敝校成立於前清光緒三十四年二月經芷黔麻三縣分籌常年經費公立女子師範學校應照規程第九條之規定改名曰芷黔麻聯合女子師範學校請轉呈刊換校印各等因准此知事查務實學校係省經費設立又係蠶桑專門芷黔麻中學校本係三縣聯合性質該兩校所請查照各條尚無不合至該女學校既係三縣公款設立并經前知事呈請由省每年補助洋一千元在案茲該校就所在地點名曰芷江縣聯合女學校又所用校印文曰沅州府公立女子學校鈐記於名實上均有未符現設師範預科一班查明程度尚淺未能完備應請改定名稱以符名實至補助常年費洋一千元可否按年撥給之處出自鈞裁所有遵查各學校性質及名稱并成立年月日各緣由理合具文呈覆鈞署核奪示遵謹詳

批 縣知事詳報遵辦加收訟費情形由

詳悉所稱六月一日以後十二日以前訴訟案件未訊結者或可補收已判決者礙難追繳

等請自係實情應即照准以示體恤此批鈔由發

附原詳

爲詳覆遵辦加收訟費事竊查接管卷內奉到鈞署徑電開案奉司法部巧
電開知事兼理訴訟經費應由省長支配或縣署自籌等因茲擬定民刑訴訟自六月一
日起每收狀一紙於原定訟費之外加收錢貳串專作知事兼理司法部分之經費仍將
收支數目核實造報除通電外仰即遵照並錄電佈告周知電早查核等因奉此查此項
電令於六月六日始行到縣時正新舊交替前任以時期迫促未遑遵行知事於十二日
接收卷內始行奉到前令遵即佈告照章加收惟六月一日以後十二日以前訴訟案件
未訊結者或可補收已判決者礙難追繳所有加收訟費情形理合備文呈覆伏乞鑒核
施行謹詳

批湘鄉縣知事陶繼貞詳賞該縣成明道捐貲興學事實表請核獎由

詳悉成明道創辦廣德初等小學校先後共捐洋三百元核與部定褒獎條例獎給二等
銀質褒章首相符應准給獎以昭激勸俟褒章奉發暨執照各件製就後發由該知事轉給
可也此批副詳詳表存

附原詳

爲詳報事奉鈞署教字第一九九號訓令內開教育司案呈查湘省熱心教育捐貲與

學者頗不乏人前准 教部咨頒捐貲興學褒獎條例並由地方長官開列事實手續各等因到署當經通飭各知事查照抄發表式填實本署在案茲值歲聿更新凡在前清宣統二年七月以後民國三年一月以前所有該縣捐貲興學各案應即呈由本署統核報部以免愆期如該縣向無此項捐貲興學事實亦應明白呈報除分行外合就令催該知事妥速遵辦限文到十五日內具報來署毋違此令等因奉此知事遵即將前奉頒發捐貲興學事實表冊抄行各里學務員切實調查填註具覆去後茲據下里學務員彭席珍稟稱查有興仁鄉塔泥區私立廣德初等小學校係前清宣統三年冬開辦其所捐之貲純係成明道個人私產似此熱心興學應即按照表冊填註事實備文稟報以資獎勵等情前來知事覆核無異理合據情備文詳報察核謹詳

批大同法政專門學校詳繳本校法律別科轉學各生證書存根由

詳悉應准如詳備案此批抄由發證書存根存

附原詳

為繳呈證書存根事案奉鈞署教字第六百二十五號令發本校法律別科學生轉學證書一百六十張轉給各該生等並具報備查等因奉此除將奉到證書分別發給外所有存根理合備文呈繳以昭慎重謹呈

批承順縣知事詳實更定警察區域名稱一覽表請查核由
詳表均悉宜該縣更定警察區域名稱尚無不合應准如詳備案仰即知照此批表一紙存
抄由發

附原詳

爲詳復劃分警察區域事案奉鈞署內字第八四二號訓令開內務司案呈查各縣警務
公所前經本公署通飭改爲警察事務所并飭各該管知事就其管轄區域內之城鎮鄉
設有警察者得劃分若干區每區設區官一人辦理該區警察事務組織雖不相同名稱
應歸一律如各縣城內稱爲警察中區其於各鄉分爲東西南北等區從速更定名稱庶
於警以前途待臻劃一除通令外合亟令仰該知事即便轉飭該警長將管轄區域名稱
從速更定名稱列表呈由該知事轉報備案此令等因奉此當即轉飭該警長遵照辦理
去後旋據該警長將劃分區域名稱列表呈覆前來知事復加考核尚無不合理合備文
連同劃分區域表一份呈費鈞署察核備案詳詳

批教育用品製造工場總理伍賜萬詳實決算分冊請查核由

詳冊均悉宜各機關每月決算表均係造具三份費由主管官廳分別存轉茲據該卸任
總理所費一月份至六月份決算分冊僅二份附屬表收入報告書均僅一份核與定章不
符由該卸任總理迅將決算分冊按補造一份并造具決算附屬表收入報告書各二

份另文賞署以憑核辦此批抄由發表冊收據存

附原詳

爲呈送表冊事案查前奉鈞署訓令財字第七百七十號財政司案呈查各機關決算各冊依照章按月造報等因奉此遵將民國三年一月起至六月止各決算按照前頒格式逐一填造并補造民國二年七月至十二月止附屬表一份理合備文呈請鈞署查核彙辦至爲公便此詳

示

第二屆知事試驗考取人員分發單 (續)

龔梓材湖北 婁啓銓浙江 孟昭涵湖南 賀民範湖南 董秉清江蘇 榮國鈞湖北

邵詒穀浙江 陳鴻澤廣東 毓 滄旗籍 王邦彥浙江 汪蔭森浙江 陳時夏浙江

何紹休江西 胡獻璵江西 王政賢湖南 錫 璋旗籍

以上十六員分發福建

劉承均江蘇 張嘉樹江蘇 張應銘廣東 王乃祿山東 田澤勳湖北 王宗海福建

劉鍾球江蘇 陳贊唐福建 鄭彤斐直隸 張荻年湖南 趙祖望江蘇 陳毓康福建

涂貞琳江西 程蔭毅江西 林應昌湖南 王嘉曾江蘇 趙鈺鏞江蘇 宋承家江蘇

汪壽鎔江蘇 陳與椿福建 夏日琰江蘇 凌 璧安徽 秦肇煌江蘇 朱邦傑江蘇

程起鵬江蘇 陳景元河南 陳元慎江西 徐桂石江西 王敬培江西 王施海湖南

葉 綱廣東 謝宸慈廣西

以上三十二員分發浙江

章之峻湖南 湯光文江西 陳長鏞湖南 宋介曾江蘇 吳應丙江蘇 王觀彤陝西

張增堯四川 韓光祚山東 史 維順天 吳定川江西 郭維祺江西 田鳳翥湖南

胡恩溥浙江 林 澤浙江 任鏡澍山西 萬成春江西 錢昌頤江蘇 彭敦毅湖南

徐培廣西

以上十九員分發湖北

周壬廣東 廖儒宗順天

張業勳湖北

蔡泉清雲南

徐文鳳江西

陳書江西

羅良經湖北 魏堃江西

毛慶年江西

林心餘福建

趙戩浙江

王文錦湖北

陳建勳湖北 馮慶榆四川

鄺維翰廣東

以上十五員分發湖南

馮紹韓廣東 傅廷春湖北

張鴻湖北

花廷樞甘肅

李世英湖南

薛裕孚河南

孟森立山西 李瑞瑾河南

張雲濤四川

薛勉河南

以上十員分發陝西

馬象乾陝西 黎之彥四川

王會圖陝西

曹英湖南

以上四員分發甘肅

李立成貴州 蕭應鍾湖北

張慶萃湖北

唐嗣祿廣西

吳錫珍直隸

韓仁祖江蘇

王藻湖北 吳巽貴州

楊炳勳陝西

栗學昌廣西

熊道琛湖北

黃克修貴州

趙宗瀚雲南 陳玉璽雲南

孔慶驪直隸

張銘陝西

張宗璞甘肅

詹光斗湖北

傅作楫湖北 呂聯乙湖北

寇從仁雲南

許嘉琛貴州

以上二十二員分發四川

孟瑋棠福建 陳鄒浙江

廖允僑河南

趙華漢浙江

馮釐颺浙江

李鍾嶽安徽

曾吉光湖南 沈頤清福建 陳海瀛福建 陶 相湖北 俞聲欲福建 高桂馨直隸
朱 芾江西 柳秉彝江西 左質泰湖北 劉信邴廣西 卓祖蔭福建 陳修齡福建
黃維藩湖南 蒙兆柳廣西 丁文瑜江蘇 姚貴岱雲南 施景華江蘇 江漢先福建
陳憲弼福建 曾鴻翼湖南 羅炳文廣西

以上二十七員分發廣東

羅黼國湖南 周 海廣東 朱 杰廣東 葛春元安徽 鄧 鈞江西 劉 興雲南
樓 岑浙江 曾榮楚湖南 潘贊鈔廣東 許勳元廣東

以上十員分發廣西

吳廷模直隸 徐正鼎四川 龍良夔四川 李錫庚江蘇 陳 鎬福建

以上五員分發雲南

秦昌濟廣西 陳 淑山西 林熙疇廣東 李繼壽河南 蔡嵩燾湖南

以上五員分發貴州

第一次知事試驗取列乙等人員補行分發單

田十懿山東

以上一員分發湖南

完

通告二則

湖南巡按使公署爲出示招考事照得北京高等師範學校於本年暑假內添招豫科一班前經

教育部核准由湘收送三人於八月二十日前送京覆試合行示知投考各生查照後開條件報名勿誤此示

計開

一 資格 中學畢業

二 考試科目

國文 英文 歷史 地理 理化 數學 博物

三 報名日期 七月一日起至三日止

四 報名手續 攜帶畢業文憑四寸半身相片并備繳卷費錢二百文

五 報名地點 省教育會

六 試期 七月初十一兩日

中華民國三年六月二十二日 示

湖南巡按使公署爲出示招考事案准北京清華學校函載做校中等科一年級向由各省照章選送湖南應派學額四名希查照規約認真選送至京覆試等因合行廣告投考各生查照

後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者

二 科目 國文 英文 譯作 歷史 地理 算術 至命

三 試期 八月一日二日

四 覆試期 九月初十十一十二三日須八月底到京 清華學校招考地約已登六月二十七號本報

中華民國三年六月二十二日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處而訂可也計開書目如左

國語教授法 洋二角八分八釐

算術教授法 洋一角六分八釐

手工教授法 洋一角一分四釐

圖畫教授法 洋一角一分四釐

以上四種日本田中廣吉著南州熊崇煦譯 合購洋六角八分四釐

初等小學讀本 第一卷 洋三分

初等小學讀本教案 第一卷 洋一角二分

初等小學讀本 第二卷 洋三分六釐

初等小學讀本教案 第二卷

初等小學修身書 第一卷

初等小學修身教案 第一卷

初等小學修身書 第二卷

初等小學修身教案 第二卷

初等小學算術教案 第一卷掛圖十三張

初等小學算術教案 第一卷

小學各科實際教授法

手工教科書

少儀教科書

兒童教授法

兒童自力研究之啓導法

兒童個性之研究

新教育學

洋一角八分

洋一分八釐

洋六分

洋二分四釐

洋六分

洋一元二角

洋一角二分

洋一元二角

洋三角

洋九角

洋四角另二釐

洋二角四分

洋一角三分二釐

洋二角四分

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意

商務印書館啓

敬啓者有版權之書籍不許翻印 政府定有專律懲罰禁嚴湘人多有 未知誤犯法律雖暫
獲利後患無窮情殊可憫頃得六月四日 司法部飭第四十號辦理日嚴用特抄錄登報俾
衆周知而免誤犯區區之心諒蒙 鑒察

司法部飭第四十號

爲飭知事五月十九日准農商部函開據全國商會聯合會呈稱以上海總商會議董印有模
提議請通令各省嚴辦翻版一案經大會議決理合呈請轉咨司法部通飭各省審判官廳 遇
此 案件務須按律辦理等情相應鈔錄原呈函請察核辦理等因到部查著作權律第三十
三條以下所定禁罰禁嚴該會原呈所稱翻版之案湘鄂粵魯川豫等省最甚已經發見正在
訴訟中者幾於無省不有等語是徵此項訴訟日漸增多自非援用該律切實保護不可爲此
飭知各該廳暨兼理訴訟各該縣知事嗣後遇有侵害版權案件務須按照著作權律第四十
條以下所定罰例切實辦理勿得稍涉輕縱此飭

司法總長章宗祥

右飭

兼理訴訟縣知事

准此



中華民國三年六月四日